

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u vezi sa članom 43. stav (1) i stav (10) i članom 52. stav (1) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 129. sjednici, održanoj 18.05.2026. godine, d o n o s i

O D L U K U

o usvajanju Programa utroška namjenskih sredstava iz oblasti šumarstva za 2026. godinu - Izvor 30

Član 1.

(Predmet)

Usvaja se Program utroška namjenskih sredstava iz oblasti šumarstva za 2026. godinu - Izvor 30, u razdjelu 23, budžetska organizacija 03, potrošačka jedinica 0001 Budžeta Zeničko-dobojskog kantona za 2026. godinu („Službene novine Zeničko-dobojskog kantona", broj: 24/25 i 5/26) u iznosu od 1.148.000,00 KM (slovima: jedanmilionstotinučetredesetosamhiljada i 00/100 konvertibilnih maraka) predviđena za tekuće rashode čuvarske službe, nabavku opreme, rekonstrukciju i investiciona ulaganja tj. pošumljavanje i druga ulaganja za unapređenje šuma, a koji čini sastavni dio ove odluke.

Član 2.

(Način realiziranja sredstava)

Sredstva planirana Budžetom Zeničko-dobojskog kantona za namjene predviđene ovom odlukom, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade Zeničko-dobojskog kantona.

Član 3.

(Realiziranje Odluke)

Za realizaciju ove odluke zadužuju se Ministarstvo za poljoprivredu, šumarstvo i vodoprivredu – Kantonalna uprava za šumarstvo i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-9980/26

Datum, 18.05.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Kantonalna uprava za šumarstvo, putem Ministarstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON**

**MINISTARSTVO ZA POLJOPRIVREDU,
ŠUMARSTVO I VODOPRIVREDU
KANTONALNA UPRAVA ZA ŠUMARSTVO**



**PROGRAM
utroška namjenskih sredstava iz oblasti šumarstva za 2026. godinu - Izvor 30**

Zenica, maj 2026. godine

I NAZIV PROGRAMA

Program utroška namjenskih sredstava iz oblasti šumarstva za 2026. godinu - Izvor 30, u razdjelu 23, budžetska organizacija 03, potrošačka jedinica 0001 Budžeta - Kantonalna uprava za šumarstvo.

II ZAKONSKI OSNOV ZA PROGRAM

Zakonski osnov za izradu Programa utroška namjenskih sredstava iz oblasti šumarstva za 2026. godinu čine Zakon o šumama („Službene novine Zeničko-dobojskog kantona“, broj: 8/13, 1/15, 5/21 i 24/25 – (u daljem tekstu: Zakon o šumama) i Zakon o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25).

Odredbom člana 43. stav (1) i stav (10) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25) je propisano da će se budžetska sredstva na poziciji „Tekući transferi i drugi tekući rashodi-namjenska sredstva” koristiti prema Programu utroška koji donosi Vlada Kantona, te da će namjenska sredstva utvrđena u razdjelu 23, budžetska organizacija 03, potrošačka jedinica 0001 Budžeta - Kantonalna uprava za šumarstvo, koristiti u skladu sa važećim propisima.

III SVRHA PROGRAMA

Svrha izrade Programa je da prikaže po osnovu kojih namjenskih sredstava iz oblasti šumarstva su planirani prihodi u Budžetu Zeničko-dobojskog kantona za 2026. godinu, za koje namjene i u kojem iznosu isti mogu biti utrošeni.

IV KRITERIJ ZA RASPODJELU SREDSTAVA

Namjenska sredstva iz oblasti šumarstva prikupljena po osnovu naknada propisanih članom 50. stav (2) Zakona o šumama, planirana su u visini od ukupno 1.148.000,00 KM i predviđena su za finansiranje izdataka prikazanih u tabelarnom pregledu:

RB	Izdaci	Naknade za općekorisne funkcije šuma	Naknade za obavljanje stručnih poslova u privatnim šumama	Naknade od promjene namjene šumskog zemljišta (krčenja šuma)	Ostali prihodi za korištenje, zaštitu i unapređenje šuma	Ukupno planirana namjenska sredstva kol. (3 do 7)
1	2	3	4	5	7	8
1.	Izdaci za bruto plaće	800.000,00	150.000,00		50.000,00	1.000.000,00
2.	Naknade troškova zaposlenih					-
3.	Doprinos poslodavca	51.000,00				51.000,00
4.	Izdaci za materijal i usluge	6.600,00				6.600,00
	4.1. Putni troškovi					
	4.2. Energenti					
	4.3. Komunalne usluge					
	4.4. Nabavka materijala					
	4.5. Izdaci za gorivo					
	4.6. Izdaci za zakup prostora					
	4.7. Tekuće održavanje					
	4.8. Izdaci za osiguranje					
	4.9. Ugovorene usluge	6.600,00				6.600,00
5.	Nabavka opreme	66.000,00				66.000,00
6.	Rekonstrukcija i invest. održavanje	24.400,00				24.400,00
	6.1. Nabavka sadnica	1.000,00				1.000,00
	6.2. Projekti iz oblasti šumarstva	23.400,00				23.400,00
	UKUPNO (od 1 do 8)	948.000,00	150.000,00		50.000,00	1.148.000,00

Izvori za finansiranje izdataka iskazanih u tabelarnom pregledu su niže navedene naknade propisane Zakonom o šumama:

1. Naknade za općekorisne funkcije šuma

Na osnovu člana 52. stav (1) Zakona o šumama Zeničko-dobojskog kantona naknade za općekorisne funkcije šuma uplaćuju se na kantonalni račun u visini od 0,07% ukupno ostvarene godišnje dobiti, a plaćaju ih sva pravna lica koja su registrovana za obavljanje djelatnosti i imaju sjedište na teritoriji Kantona, kao i dijelovi pravnih lica čije je sjedište van Kantona, a obavljaju djelatnost na teritoriji Kantona, izuzev institucija i organizacija navedenih u stavu (3) istog člana.

U Budžetu Zeničko-dobojskog kantona za 2026. godinu, po osnovu naknada za općekorisne funkcije šuma, planirani su prihodi u ukupnom iznosu od 948.000,00 KM, namijenjeni za finansiranje slijedećih rashoda:

1.1. Sufinansiranje rada čuvarske službe-tekući izdaci	857.600,00 KM
1.2 Nabavka opreme za potrebe Uprave.....	66.000,00 KM
1.3. Rekonstrukcija i investiciono održavanje	<u>24.400,00 KM</u>
Ukupno:	948.000,00 KM

1.1. Sufinansiranje rada čuvarske službe

Sredstva navedena pod tačkom 1.1. planirana u iznosu od 857.600,00 KM, namijenjena su za slijedeće izdatke:

Rb	Izdaci	KM
1.	Bruto plaće zaposlenih i doprinosi	851.000,00
2.	Izdaci za materijal i usluge	6.600,00
	Ukupno	857.600,00

Ukupna sredstva iz naknada za općekorisne funkcije šuma za sufinansiranje rada čuvarske službe, odnose se na sredstva planirana za sufinansiranje bruto plaća i doprinosa zaposlenih u iznosu od 851.000,00 KM i na sredstva planirana za izdatke za materijal i usluge, u iznosu od 6.600,00 KM.

Sredstva za izdatke za materijal i usluge, planirana u visini od 6.600,00 KM, predviđena su za sufinansiranje slijedećih izdataka: za specijalističke kurseve iz oblasti šumarstva, informisanje, izdatke za komisije, trošak reprezentacije, izdatke za posebne naknade na dohodak za zaštitu od prirodnih i drugih nesreća.

Realizacija Programa pod tačkom 1.1. u dijelu koji se odnosi na sufinansiranje bruto plaća zaposlenih, vršit će se kontinuirano, prema važećim propisima koji regulišu plaće i naknade, a u dijelu planiranih nabavki i izdataka za izvršene usluge, prema važećim propisima koji regulišu postupak javnih nabavki propisanih Zakonom o javnim nabavkama Bosne i Hercegovine i računa ispostavljenih za isporučeni materijal i izvršene usluge.

1.2. Nabavka opreme za čuvarsku službu

Sredstva planirana pod tačkom 1.3. koja se prikupljaju iz naknada za općekorisne funkcije šuma, planirana su u ukupnom iznosu od 66.000,00 KM, a namijenjena su za finansiranje nabavke službenih pištolja za čuvarsku službu u iznosu od 63.180,00 KM kao i za nabavku kompjuterske i ostale opreme i kancelarijskog namještaja za potrebe čuvarske službe Kantonalne uprave za šumarstvo u iznosu od 2.820,00 KM.

U pogledu planiranog iznosa za nabavku službenih pištolja, bitno je napomenuti da je ponovljeni postupak nabavke službenih pištolja za čuvarsku službu započeo u novembru 2025.godine i isti je uspješno okončan u januaru 2026.godine kada je sa ponuđačem „Danijal S“ d.o.o. Tešanj i zaključen ugovor o nabavci i isporuci 90 komada pištolja. Navedeni iznos od 63.180,00 KM je u cilju realizacije zaključenog ugovora o nabavci i plaćanja ispostavljenog računa u 2026.godini planiran i u Budžetu za 2026.godinu, te je isti iznos predviđen i ovim programom utroška namjenskih sredstava za 2026.godinu.

Realizacija Programa pod tačkom 1.3. provest će se primjenom procedura propisanih odredbama Zakonom o javnim nabavkama.

1.3. Rekonstrukcija i investiciono održavanje

Sredstva planirana pod tačkom 1.3. koja se prikupljaju iz naknada za općekorisne funkcije šuma, planirana su u ukupnom iznosu od 24.400,00 KM, a namijenjena su za finansiranje nabavke usluga nadzora nad izradom Šumsko-privredne osnove za Šumsko-privredno područje „Krivajsko“. Šumskoprivredno-društvo Zeničko-dobojskog kantona d.o.o. Zavidovići je u decembru 2025. godine nakon provedenog postupka nabavke usluga nad izradom Šumsko-privredne osnove za Šumsko-privredno područje „Krivajsko“ sa Izvršiocem usluga zaključilo Ugovor o izradi navedene osnove. Sam početak realizacije Ugovora o izradi Šumsko-privredne osnove i uvođenje u posao uvjetovan je činjenicom da radovi na izradi šumsko-privredne osnove ne mogu otpočeti prije nego se obezbijedi nadzor nad izradom a koji nadzor je dužno da obezbijedi Ministarstvo za poljoprivredu, šumarstvo i vodoprivredu putem Kantonalne uprave za

šumarstvo, a koja obaveza je propisana odredbom člana 6. stav (11) Zakona o šumama Zeničko-dobojskog kantona.

Za šumsko-uzgojne radove-nabavku sadnog materijala za privatne šume planirana su sredstva za jesensku sadnju u iznosu od 1.000,00 KM

Kriterij za utrošak sredstava ostvarenih po osnovu naknada za općekorisne funkcije šuma, za namjene navedene pod tačkama 1.1., 1.2. i 1.3. propisani su članom 53. Zakona o šumama.

2. Naknade za obavljanje stručnih poslova u privatnim šumama

Na osnovu člana 35. Zakona o šumama, naknade za obavljanje stručnih poslova u privatnim šumama, na kantonalni račun uplaćuju vlasnici privatnih šuma koji, na osnovu potpisanog ugovora, obavljanje stručnih poslova prenesu u nadležnost Kantonalne uprave za šumarstvo.

Prihodi po osnovu naknada za obavljanje stručnih poslova u privatnim šumama za 2026. godinu planirani su u iznosu od 150.000,00 KM, a namijenjeni su za tekuće izdatke tj. sufinansiranje rada čuvarske službe-tekući izdaci:

2.1. Sufinansiranje rada čuvarske službe-tekući izdaci150.000,00 KM

Ukupno 150.000,00 KM

2.1. Sufinansiranje rada čuvarske službe

Za sufinansiranje rada čuvarske službe, planirana su sredstva u iznosu od 150.000,00 KM, a namijenjena su za:

- Bruto plaće zaposlenih , u iznosu od 150.000,00 KM,

Realizacija Programa pod tačkom 2.1. u dijelu koji se odnosi na sufinansiranje plaća i naknada, vršit će se kontinuirano, prema važećim propisima koji regulišu plaće i naknade.

Kriterij za utrošak sredstava ostvarenih po osnovu naknada za obavljanje stručnih poslova u privatnim šumama propisani su članom 53. Zakona o šumama.

3. Naknade u postupku promjene namjene šumskog zemljišta (krčenje šuma)

U Budžetu za 2026. godinu, po osnovu naknada za promjenu namjene šumskog zemljišta (krčenja šuma), a shodno članu 50. i članu 53. Zakona o šumama nisu planirana sredstva za realizaciju. Ovo iz razloga što u prethodnoj 2025. godini nije bilo priliva sredstava po navedenom osnovu, obzirom da je Presudom Ustavnog suda BiH utvrđena ništavnom Odluka o promjeni namjene šumskog zemljišta i privremenom korištenju šumskog zemljišta u druge namjene Vlade Federacije Bosne i Hercegovine („Službene novine FBiH“ br. 89/23 i 100/23) jer nije u skladu sa Ustavom Bosne i Hercegovine.

4. Naknada za korištenje državnih šuma

Na osnovu člana 38. i člana 51. Zakona o šumama naknade za korištenje državnih šuma na kantonalni račun uplaćuju korisnici državnih šuma, tj. šumsko-privredna društva. Uplate naknada vrše se tromjesečno i po završnom godišnjem računovodstvenom izvještaju, u visini od 2 % prihoda ostvarenog od drveta i prihoda ostvarenog od nedrvenih šumskih proizvoda.

U Budžetu za 2026. godinu, po osnovu naknada za korištenje državnih šuma nisu planirana sredstva za realizaciju, jer u protekloj 2025. godini od strane korisnika šuma nije bilo uplata po navedenom osnovu.

5. Ostali prihodi za korištenje, zaštitu i unapređenje šuma

U Budžetu za 2026. godinu, po osnovu ostalih prihoda za korištenje, zaštitu i unapređenje šuma, shodno članu 50. i članu 53. Zakona o šumama, planirana su sredstva u visini od 50.000,00 KM, namjenjena za:

- Bruto plaće zaposlenih, u iznosu od 50.000,00 KM.

Kriterij za utrošak sredstava ostvarenih po osnovu prihoda za korištenje, zaštitu i unapređenje šuma propisani su članom 53. Zakona o šumama.

Ukoliko se, iz određenih razloga, namjenska sredstva predviđena Programom utroška za 2026. godinu ne utroše u potpunosti, preostala sredstva će biti prenesena u narednu budžetsku godinu.

V VISINA SREDSTAVA

Budžetom Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25, 5/26) i na osnovu Odluke Ministarstva finansija Zeničko-dobojskog kantona o preraspodjeli sredstava planiranih u Budžetu za 2026.godinu za Kantonalnu upravu za šumarstvo, broj: 07-03-01-11-8327-1/26 od 06.05.2026.godine, u razdjelu 23, budžetska organizacija 03, potrošačka jedinica 0001, planirana su namjenska sredstva u iznosu od 1.148.000,00 KM.

VI IZVORI SREDSTAVA

Namjenski prihodi iz oblasti šumarstva planirani su po osnovu slijedećih naknada:

1. Naknade za općekorisne funkcije šuma	948.000,00 KM
2. Naknade za obavljanje stručnih poslova u privatnim šumama	150.000,00 KM
3. Ostali prihodi za korištenje, zaštitu i unapređenje šuma.....	<u>50.000,00 KM</u>
Ukupno:	1.148.000,00 KM

VII NAČIN I ROKOVI IZVJEŠTAVANJA

O utrošku namjenskih sredstava po ovom programu, Kantonalna uprava za šumarstvo dužna je polugodišnje i godišnje izvjestiti Vladu Zeničko-dobojskog kantona.

Broj: 02-11-9980/26
Datum, 18.05.2026. godine
Zenica

PREMIJER

Nezir Pivić

DOSTAVLJENO:

- 1x Ministarstvo za poljoprivredu, šumarstvo i vodoprivredu,
- 1x Kantonalna uprava za šumarstvo, putem Ministarstva,
- 1x Ministarstvo finansija,
- 1x „Službene novine Zeničko-dobojskog kantona“,
- 1x a/a.